

Kanton Sarajevo
Skupština Kantona Sarajevo
Admela Hodžić Klub SDA

Kanton Sarajevo
Ministarstvo zdravstva Kantona Sarajevo
Ministarstvo kulture i sporta Kantona Sarajevo

ZASTUPNIČKA INICIJATIVA

U skladu sa članom 213 Poslovnika o radu Skupštine Kantona Sarajevo ("Službene novine Kantona Sarajevo broj: 41/12, 15/13, 47/13), podnosim inicijativu Ministarstvu zdravstva Kantona Sarajevo i Ministarstvu kulture i sporta Kantona Sarajevo za rekonstrukciju i izgradnju Društvenog doma Pazarić u Pazariću i izgradnju novih prostorija za Područnu ambulantu Pazarić na istoj lokaciji.

OBRAZLOŽENJE

Na sastanku Mjesnog odbora Pazarić stanovnici Pazarića su izrazili želju da se Društveni dom Pazarić koji je izgrađen davnih 70-tih godina rekonstruiše, renovira i modernizuje radi bolje i funkcionalnije upotrebe. Dom je renoviran u par navrata djelimično ali i dalje je u veoma lošem stanju krov i svlačionice koje koriste dječaci i djevojčice, članovi KUD-a "Bjelašnica Pazarić" kao i djeca iz drugih gradova kada dođu u posjetu prilikom raznih kulturnih manifestacija. Zatim je potrebno renovirati i prostorije koje godinama koriste udruženja kao što su šahovski klub, planinarsko društvo, lovačko društvo te planirati prostoriju koju bi koristile žene Pazarića za u

druženja, a koju bi ujedno mogle koristiti kada iz okolnih mjesta dovedu najmlađe školarce koji su po dva sata u školi a pri tome ih nemaju gdje sačekati.

Isto tako mještani Pazarića došli su do zaključka da su postojeće prostorije Područne ambulante Pazarić prema svjetskim standardima neuslovne, hladne, mračne i smještene u podrumskim prostorijama stambene zgrade u kojoj zimi po nekoliko puta imaju problem s grijanjem. Izmjenom Zakona i Pravilnika o zdravstvenoj zaštiti djeca od 14 godina sjede u hladnim i tamnim hodnicima koji se koriste kao čekaonice zajedno na istim klupama sa starijim pacijentima koji imaju jednu ili više težih dijagnoza o čemu niko nije vodio računa kada je usvajao ovakve izmjene u zdravstvu.

Pazarićani smatraju da je krajnje vrijeme da se to promijeni i modernizuje kao što je to urađeno u Binježevu i Tarčinu gdje su izgrađene savremene ambulante za građane. Ujedno žele da se na parceli u centru Pazarića gdje se nalazi Društveni dom Pazarić, koji također treba obnoviti, sagrade i nove prostorije ambulante zbog toga što ima sasvim dovoljno prostora, parking i nalazi se preko puta osnovne škole i autobuske stanice.

Molim nadležne da poduzmu sve kako bi se ovakva jedna inicijativa realizovala u što skorije vrijeme.

Admela Hodžić

Zastupnica SDA u Skupštini Kantona Sarajevo

Sarajevo, 19.05.2019.god.IX radna sjednica